

善本書室藏書志

善本書室藏書志卷十一

錢塘丁丙松生甫輯

史部十一上

三輔黃圖六卷

明刊本

陳直齋以爲漢魏間人所作隋志唐志皆云一卷明刻析爲六卷此帙前有原序又有嘉靖己未劉景韶序稱三輔黃圖舊有華容嚴公刻本歷歲滋久字漫漶不可讀余故重刻之卷三後有以上參校古本諸書補正四十二字卷六後有以上參校古本諸書補正九十六字二行爲別本所無當卽劉氏所校正也未有嘉靖己未江一山跋前又有萬曆乙酉郭子章合刻秦漢圖記序稱與西京雜記刻於粵中是又從劉氏本翻刻也每葉十八行行十八字

歷代官殿名一卷

舊鈔本

翰林學士承旨大中大夫守工部尚書知制誥上柱國臣李昉等  
奉聖旨纂

是書著錄於中興館閣書目陳氏書錄解題蓋作於開寶中也  
所敘歷代爲宮爲殿爲門爲苑爲樓爲臺爲觀爲閣爲堂爲館  
爲園爲亭爲池爲闕爲院爲房爲齋而附以丹臺新錄所載諸  
名其敘歷代以隋唐繼後周後魏西晉爲正統以三十六國六  
朝北齊爲僭僞固以宋時論統爲則耳

故宮遺錄一卷 舊鈔本 陳仲魚馬二槧藏書

虎溪蕭洵述

前有洪武丙子松陵生吳節序謂革命之初應陵蕭洵任工部  
郎中奉命隨大臣至北平毀元舊都因得徧歷凡門闕樓臺殿  
宇之美麗深邃闌檻瑣牕屏障金碧之流輝園苑奇花異卉峰  
石之羅列高下曲折以至廣寒祕密之所莫不詳載洵因宰湖

之長興鏤梓不果遂傳呂山高叔禎氏出示因錄之云是錄雖不及輟耕錄所紀之鉅麗其敘次亦間有參差以所從人之徑不同然亦可見其恢規矣朱竹垞日下舊聞全載之

右地理類宮殿疏之屬

元和郡縣圖志四十卷 精鈔本 西泠吳氏楹谷亭藏書

金紫光祿大夫中書侍郎同中書門下平章事兼集賢殿大學士監修國史上柱國趙國公臣李吉甫撰

前有吉甫自序吉甫字宏憲趙州人卒諡忠懿唐史有傳後有  
道熙二年程大昌三年洪邁張子顏序 四庫簡明目錄云舊  
有四十七圖冠諸鎮之首至宋已佚此本又佚七卷有半今仍  
釐爲四十卷古輿記中存於今者惟此爲最古是志爲吳焯所  
藏有康熙丁酉十一月二十日記云唐李吉甫撰元和郡縣志  
四十卷篇首有圖凡海宇要隘依約可覩得王公之道焉其後

圖既散亡志亦闕逸已見程大昌後跋中則編中闕文在宋時  
已然矣余今以唐書校之計闕者河北道後一卷山南道前一  
卷淮南道前二卷嶺南道中二卷凡六卷餘並完好第不知焦  
氏河所據而指爲五十四卷也且前表云併目錄二卷總四十  
二卷今日亦逸去蓋是編字跡嚴祕流傳甚稀余搜求廿年始  
獲得之維日冬至披此良快心志篝燈泛覽不覺達曙明日再  
書云今年修錢塘邑志紀山至百九十有奇而此志中於縣僅  
載二山其界石山之各在宋代諸志中已無之遙遙一千年舊  
名復得展卷狂喜又朱筆記此書流傳絕少苦無對本校理因  
取太平寰宇記並勘改正頗多乙巳十月晦日有繡谷薰習西  
泠吳氏吳焯尺鬼手典山川爲流傳勿損污瓶罇主人諸印

太平寰宇記二百卷

趙氏小山堂鈔校本

朝奉郎太常博士直史館賜緋魚袋臣樂史

宋太宗時闖越北漢初平而幽媯營槽等十六州尙屬遼疆史因太宗志復燕雲探知意志遂合輿圖所隸尋究始末起於東京迄於四裔採繁取博於列朝人物古蹟題詠一一並載實開後來方志之體例 四庫館所收諸家藏本殘闕者多惟汪啟淑進本僅佚百十三至一百十九凡七卷且每卷未附校勘一葉較諸本爲善據以著錄此帙有小山堂印多朱筆校譌小山與開萬互相鈔錄書雖各鈔實出一源耳近繁庶昌使日本知藏有宋刻殘本因借摹雋闕一百十三至一百十八凡六卷刊於古逸叢書中可以見同文之盛矣

新定九域志十卷

校鈔宋本

吳校庵藏書

承議郎知制誥同修國史同判太常寺兼禮儀判祕閣祕書省兼詳定郊廟奉祀禮文上騎都尉丹陽縣開國子食邑三百戶賜紫金魚袋臣王存等奉聖旨刪定

前有存等進書原序稱國朝以來州縣廢興與鎮戍城堡之名  
山澤虞衡之利前書所略則請志之至若道理廣輪之數昔罕  
得詳今一州之內首敘州封次及旁郡彼此互舉弗相混淆總  
二十三路京府四次府十州二百四十三軍三十七監四縣一  
千二百三十五釐爲十卷晁氏讀書後志載九域志有新舊二  
目別本刊行者多古蹟一門此有之殆別本歟而四庫提要  
云此爲毛晉影鈔宋刻乃元豐間經進原本果爾不當再列古  
蹟孰新孰舊當再攷之後有乾隆戊戌枚庵吳翌鳳跋謂從青  
芝山堂影宋鈔本從元豐舊志校勘者首卷原闕四京以下六  
版又脫曹州濟陰鄆半版亦從舊志沙補云云有漢晉齋印  
新編方輿勝覽七十卷 宋刊本 吳氏瓶花齋汪氏裘村樓藏書

建安祝穆和父編

前有穆序又有嘉熙癸亥新安呂午序稱建陽祝穆和父本新

安人朱文公先生母黨也幼從文公諸大賢游性溫行高學富  
文際嘗往來閩浙江淮湖廣間所至必登臨訪風土事經史子  
集稗官野史金石刻列郡志有可採摭鈔錄無倦蓋爲紀載張  
本也近訪予錢塘馬城之竹坡曰編成矣敢名以方輿勝覽而  
鈔梓以廣其傳庶人人得勝覽也雖然我購四方禹迹茫茫思  
日關於先王慨未歸於故疆必也志存乎修攘步極乎亥章使  
吾和甫涉歷彌長聞見彌詳紀載益鋪張而勝覽亦輝煌矣蓋  
慨所記僅浙西及利州十七路州郡而中原隔絕久矣不入版  
輿也卷首標出郡名風俗形勝土產山川學館堂院樓閣亭榭  
井泉館驛橋梁佛寺道觀古蹟名宦人物題詠凡二十門每段  
標題則以大字列於兩行之中別本尙有咸淳二年福建轉運  
使司禁止麻沙坊翻版榜文及穆子洙丁卯跋此本無之豈初  
刻邪抑書估割去邪卷端鈴瓶花齋吳城印又休陽汪氏裘孖



樓藏書印按盧抱經龍城札記韓詩外傳君子之居也綏若安  
裘晏若覆杆汪氏嘗取裘杆以名樓然杆字實杆之偽杆卽孟  
也杆覆則平穩無虞傾倒矣東方朔傳有安如覆孟與此正同  
特附記之

大明一統賦三卷

明嘉靖刊本

是賦仿亡是公烏有先生設爲問答之詞曰不虛生曰莫且氏  
分二十三節總萬餘言自爲之注前無序後有嘉靖丁酉某序  
云成化間有莫且氏者吳人也著大明一統賦協辭比事秩以  
整鋪采摛文沛以贍而尊聞傳信又鑿鑿不誣撫臺蔡半洲翁  
每爲稱善間以出示秦乃請歸郡齋刻之版印模糊閱之頗費  
目力

廣輿圖二卷

明嘉靖刊本

孫淵如觀察平津館鑒藏記有廣輿圖一冊前有元朱思本輿

圖舊序次廣輿圖序稱偶得元人朱思本圖其圖有計里畫方之法於是增其未備因廣其圖至於數十云云不題撰人姓氏據清運圖下載歲運額數自洪武卅年至嘉靖元年止明史藝文志有羅洪先增補朱思本廣輿圖二卷當卽此書淵如觀察殆未見此帙諸序也此帙有嘉靖丙寅巡撫山東御史霍冀又嘉靖辛酉浙江布政使胡松餘姚徐九皋等敘又一序云朱爲撫之臨川人博學多聞踪跡徧海內自敘此圖乃其十年之力苟非足目所及未敢遽書可謂用心之勤至其所爲畫方之法則巧思者不逮也然攷郡史不載姓名其圖亦不多見豈所謂本之則無矣乎嗚呼又安知吾之請圖之不爲長物也殆卽洪先所序歟

肇域志二冊 鈔本

前有崑山顧炎武自序云此書自崇禎己卯起先取一統志後

取各省府州縣志又取二十一史參互書之凡閱志書一千餘部本行不盡則注之旁旁又不盡則別爲一集曰備錄年來餽口未遑刪訂以成一家之書歎精力之已衰懼羣編之莫就庶後之人有同志者續而傳之俾區區二十餘年之苦心不終泯沒爾後嘉慶五年錢塘梁同書識云此志不甚傳於世今爲許君周生得之可寶也僕徵阮元又識云此肇域志稿未成之書其志願所規畫者甚大而方輿紀要實能成其志程瑤田識云肇域志外間流傳轉寫者止山東布政司一屬餘徧訪無之許君得其手稿二十冊繩頭細書關者北直隸及江西四川兩布政司耳此書未經脫稿世間當無第二本矣桐城胡虔又識云是書每本計四十餘葉葉三十行行五十餘字小如蠅頭無一率筆每行夾縫旁注之字尤精妙姚椿識云惜乎阮公撫浙時不以屬話經精舍諸人士一編校也許慶宗自記云乾隆五十

八年得先生手稿於粵東李氏蓋李之先自吳門歸者咸豐間溧陽繆武烈公官浙西從許氏後人季仁僉貢借錄一部閱三月始成凡百三十餘萬言任校讐者周白山胡培系也未幾遭庚申之亂繆公殉難許氏書先質柴棧橋許辛泉家書益不可問矣同治甲子左文襄公克復浙省卽就辛泉屋爲行臺余謁見時述及所遺書多不全當時惜未之請檢也此胡培系司校讐時專錄浙江布政司一屬偶逃劫火特借而錄之以存什一亦敬蒸桑梓之意也

右地理類總志之屬

吳郡圖經續記三卷 舊鈔本

朱長文撰

南北宋以來地志此爲最古朱竹垞未之見也吳郡先有大中祥符間官撰圖經長文續於元豐中上卷爲封域城邑戶口坊

市物產風俗門名學校州宅南園倉務海道亭館牧守人物中  
卷爲橋梁祠廟宮觀寺院山水下卷爲治水往迹園第冢墓碑  
祠事志雜錄凡二十八門徵引博敘述簡前有自序後有元祐  
元年常安民元祐七年林慮元符二年祝安上紹興四年孫佑  
四序又蘇軾薦文長劄子長文字伯原蘇州人未冠登進士乙  
科官祕書省正字樞密院編修

嚴州重修圖經三卷

影寫宋紹興本

宋董弁撰陳公亮劉文富重修前冠太宗皇帝初領防禦使詔  
太上皇帝初授節度使制及宣和四年建炎二年赦書乃建隆  
元年太宗爲睦州刺史封天水縣開國子宣和三年高宗授遂  
安慶源等軍節度使進封康王也次列紹興己未春知軍州事  
董棻序乃舊志序也次列紹興丙午正月迪功郎州學教授劉  
文富序卽重修志序也次列子城圖建德府內外城圖府境總

圖建德縣境圖淳安縣境圖桐廬縣境圖遂安縣境圖壽昌縣境圖分水縣境圖次分卷各爲子目今惟存嚴州建德淳安三卷耳初爲嚴豹人藏錢竹汀鑿爲世無二木黃蕘圃再三欲購而未遂朱述之鈔之而述記於開有益齋余借陸存齋所藏而未寫之與乾道臨安志可稱合璧焉

臨安志三卷

影鈔宋乾道本

袁又愷汪士鍾藏書

右爲乾道五年右文殿修撰知臨安府湖州長興周淙彥廣所撰原本十五卷見宋史藝文志此僅存第一卷行在所宮闕官署第二卷沿革星野風俗州境城社戶口解舍學校科舉軍營坊市界分橋梁物產土貢稅賦倉場館驛亭臺樓觀閣軒第三卷自吳至宋乾道諸牧守餘卷已闕錢塘孫仰曾得宋槧殘本杭世駿厲鶚均題記乾隆間四庫館時進呈蒙賜奎藻給還本家恭藏此乃影摹原本版匡寬大每葉二十二行行二十

字卷前有五硯樓袁氏又愷廷樹之印曾藏汪闕源家諸印

乾道臨安志三卷 鈔本 王紹蘭校

吳興周宗彥廣撰

此為萬卷樓王氏鈔本已改原書款式後有厲鶚序云淙尹京時據湖滄渠綽有政績載在宋史杭世駿跋云此書世所罕傳萬歷中吾郡陳布衣善修府志時已不得見所載惟潛君高咸治志嘉慶五年王紹蘭購於吳門書肆復從黃蕘圃家借觀影鈔本為研朱校勘馮脫後有題記

清熙三山志四十二卷 鈔本

宋梁克家撰

克家字叔子晉江人紹興三十年廷試第一累官右丞相封儀國公謚文靖宋史有傳此書自宋刻外諸藏書家罕見其目四庫館亦以寫本著錄前有清熙九年克家自序云予領郡暇

日訪無諸以來遺蹟故俗聞晉太康既置郡之一百十三年太守陶夔始有撰記又四百五十六年至唐郡人林諸復增爲之皆散逸無存獨最後一百九十二年慶歷郡人林世程所作傳於世迄今又一百三十九年興廢增改率非其故闕不書者十九矣乃約諸里居興仕於此者纂集討尋斷簡接據公牘採諸長老所傳得諸閭里所記上窮千載創建之始中閱累朝因革之由而益之以今日之所聞見厥類惟九書成各曰三山志凡分九門一地理二公廨三版籍四財賦五兵防六秩官七人物八寺觀九士俗朱竹垞有是書跋載曝書亭集茲不錄

會稽志二十卷續志八卷

明正德刊宋本

葉氏葉竹堂藏

嘉泰志施宿等撰寶慶志張湜撰宿字武子湖州人嘗知餘姚縣遷紹興府通判湜字清源開封人僑居婺州官至奉議郎嘗撰雲谷雜記學有根柢宿志終於嘉泰元年辛酉其後二十五



年事蹟則漢所續並補前志所無之進士題名尤不可遺也前有陸游序曰昔夏禹會諸侯於會稽歷三千歲而我高宗復禹迹定中興用唐幸梁州故事陞州爲府大駕旣西幸而府遂爲近藩又永祐以來四陵櫺殿相望天下鉅鎮惟金陵與會稽耳則山川圖謀宜其廣備顧未暇及者數十年直龍圖閣沈公作賓來爲守慨爲己任而通判府事施君宿發其端安撫司幹辦公事李君兼韓君茂卿爲之助郡士馮景中陸子虞王度朱聶永嘉邵持正等相與上參禹貢下攷太史公及歷代史載爾雅本草道釋之書裨官野史之所藏秦漢晉唐之金石靡有遺者沈公去趙公不迹袁公說友繼爲守亦力成之而始終其事者施君也放翁序時年七十七矣子虞卽其子也後有刻字八行云紹興府今刊會稽志一部二十卷用印書紙八百幅古經紙一十幅副葉紙二十幅背古經紙不表一十幅工墨八百文每

冊裝背□□文右具如前嘉泰二年五月日手分俞澄王思忠  
具安撫使司校正書籍傳梓又一行題皇明正德五年龍集庚  
午九月初吉重刊有葉氏棗竹堂藏書印北山典籍子孫承保  
諸圖記

赤城志四十卷

明宏治刊本

宋陳耆卿撰耆卿字壽老號篋窗台州臨海人嘉定七年進士  
嘗爲青田縣主簿慶元府學教授又爲濟王府記室國子監司  
業前有嘉定癸未耆卿自序云台爲各邦綿涉千載更數百守  
而圖牒闕亡昔守如尤公裘唐公仲友李公兼類鞅掌不克就  
最後黃公階辱以命余階陳維等纂輯焉會黃去東其稿十年  
矣更久非惟不備并與僅就者失之今青社齊公碩復以命余  
於是郡博士姜君容總權之邑大夫蔡君範以下分訂之又再  
屬陳維及林表民採益之志分十五門郡守齊碩跋其後陳氏

書錄解題稱志前有十三圖此本已佚末有宏治丁巳郡人謝鐸重刻識語

吳興志二十卷 鈔本

宋談鑰撰

論字元時歸安人潛熙八年進士陳氏書錄解題吳興志二十卷樞密院編修郡人談元時撰是書前有嘉泰改元郡丞廣信傅兆敬序云吳興東南最盛處山水清遠人物賢貴宜有大手筆以志其實太守李公謂郡有博物君子談君監簿慨然自任今書成以銀木之資屬歸安周令未幾李公詔還宿公寺正來繼又捐金以竟之甚盛事也原本久佚此鈔自永樂大典中間有明志竄入而大體究出勞鉞王珣張鐸栗祁諸志之上

嘉定銀江志二十三卷 影鈔本

是書 四庫未收阮氏元已寫進 內府學經室外集提要云

宋盧憲撰宋史有熊克鎮江志十卷而無憲此書書錄解題云  
鎮江志三十卷教授天台盧憲子章撰文獻通攷亦著錄之此  
書中稱憲者四條稱盧憲者一條故知爲憲之書書中所載事  
蹟惟史彌堅最詳趙善湘次之攷彌堅以嘉定六年九月守鎮  
江八年九月請祠善湘以嘉定十四年十二月守鎮江十七年  
召還寶慶二年再任案至順鎮江志學校門載教官盧憲嘉定  
癸酉謁廟事癸酉爲嘉定六年正彌堅守郡之日書當成於此  
時也此書不見於近代藏書家著錄所存卷數與書錄解題不  
同中間不免脫文錯簡鎮江自六朝以後遞爲重地南渡以前  
之遺文墜典藉此以存厓略零圭碎璧尤可寶惜阮文達曾傳  
梓此書以原寫本實之焦山書藏粵匪擾及江南者十年焦山  
居然無恙梁星海太史適寓書藏因鈔以寄我

玉峰志三卷玉峰續志一卷

影宋本

何夢華藏書

陽羨凌萬頃陳留邊寶

按阮氏元 四庫未收書提要曰萬頃字叔度景定三年進士

本陽羨山人因其父婿於崑山顏氏因家焉實陳留人其高祖始遷崑山詳前志邊博德傳而續志又復爲自序夸其家世玉峰本崑山也宋南渡時始析爲縣卽今之嘉定是也志中所載沿革風俗以及人物古蹟甚悉宋元時崑山志乘世不多得足備一方之文獻也前有涑祐壬子東嘉項公澤合沙玉淵謝公應兩跋及萬頃與實自序有錢江何夢華館藏錢塘何元錫字敬祉號夢華又號蝶隱布衣暖茶根香讀書滋味長三印

涑祐臨安志六卷

舊鈔本

羅鏡泉藏書

掣經室 四庫未收書提要云此志從宋刻殘本影寫僅存五卷至十卷無序目可稽觀書中序錄皆至涑祐間府尹趙與憲而止其爲施諤所撰涑祐志無疑所存惟城府山川二門前有

總論一篇異於他志其敘城府一首城社次官宇次舊治古蹟  
次今治續建爲第五卷城府二首學校次樓觀次園館次廂隅  
次軍營爲第六卷城府三首坊巷次界分次橋梁次倉場庫務  
次館驛爲第七卷敘山川一首城內諸山次城南諸山次城西  
諸山次亭館次古蹟爲第八卷山川二首城東諸山次城內外  
諸嶺次諸洞次諸石次諸鵞次峪衝關爲第九卷山川三首江  
次湖次河渠次水關爲第十卷諸門皆爲咸淳志所本而各條  
下引載前賢題詠詩文則互有詳略此與乾道咸淳二志備載  
南宋數朝掌故藉補史傳之遺皆未可以殘缺廢也末有嘉慶  
十三年三月借賜書堂孫氏明鈔本校錄於靈花仙館釋庵鈐  
有籀庵及江東羅氏所藏印江東羅氏者新城羅鏡泉學博藏  
書印也學博名以智字子致道光乙酉拔貢官慈谿教諭

大典本淳祐臨安志二冊 鈔本

按施謬濱祐臨安志所存城府山川二門凡六卷已經阮氏元錄以進呈著於學經室外集此又從永樂大典中輯出者一爲祠廟前著總論一爲寺院亦有總論足補施本之闕聞胡書農學士輯此志於永樂大典凡十六卷似在此本之外兵火之餘留傳與否不得而知矣

海鹽澉水志二卷 舊抄本

右志常棠撰前有紹定三年監嘉興府海鹽縣澉浦鎮稅兼烟火公事羅叔韶序云澉水斗大一隅厥土斥鹵凡邱源之流峙稅賦之重輕道塗之遐邇聚廬之眾寡與夫選舉名數先賢遺跡素乏圖經茫無所攷竹牘常棠字召仲寓居是鎮告余曰郡有嘉禾志邑有武原志其載澉水之事則甚略使不討論間見綴輯成編何以示一鎮之指掌於是正訂稽攷集爲一經名曰澉水志而棠自序云紹定三年鎮尹羅儀甫屬撰澉水志雖一

時編集大略而儀甫漏去竟弗暇問逾七八政粵屢既久訂正尤詳日邊孫君來此聽訟割俸募鐫云云凡分十五門曰地理曰山曰水曰廨舍曰坊巷曰坊場曰軍寨曰亭堂曰橋梁曰學校曰寺廟曰古蹟曰物產曰碑記曰詩詠體例精嚴韓邦靖朝邑縣志源出於此也

景定嚴州續志十卷 舊鈔本

是書題新定續志爲浙漕進士州學學錄方仁榮迪功郎差充嚴州州學教授兼鈞熹書院山長鄭瑤編纂所紀始於清熙迄於咸清首載立太子詔及升府省劄蓋度宗嘗領遂安軍節度使卽位後升爲建德府故也前有景定壬戌方逢辰序云郡志自清熙後缺而不修者距今七十餘年矣吳越錢君可則以太府丞來守嚴政事之暇爲之訪蒐以補其缺屬予爲序予謂嚴爲我太宗皇帝高宗皇帝建旌之地今皇儲賜履之封則郡之



山川人物風俗戶口田賦職方氏皆欲究知之矧惟天子聖明勤恤民隱凡州牧之出辭入覲必詳訪焉是編之作非惟可以備顧問亦可以助宵旰民瘼之萬一也按紹興己未郡守董棻始修圖經其後淳熙丙午陳公亮守郡以舊經版本不存命教授劉文富訂正重刻今尙存殘本三卷此本所紀起於淳熙正上續紹興舊經而方序竟不言及何耶

咸清臨安志九十五卷

宋刻鈔配本

吳氏拜經樓舊藏

前爲中奉大夫權戶部尙書兼詳定敕令官兼知臨安軍府事兼管內勸農使兩浙西路安撫使馬步軍都總管兼檢點行在臨軍激賞酒庫所繕雲縣開國男食邑二百戶潛說友序次目錄凡例次圖前十五卷爲行在所錄記官禁曹司之事自十六卷以下乃爲府志區畫明晰體例秩然說友字君高處州人淳祐甲辰進士咸清四年知臨安軍府飛來峰下尙有與賈相同

游題名後以誤捕似道私穉罷又起守平江德祐元年四月罷  
宋亡在闕降元仍不得其死亦可慨矣明成化杭州志尙依其  
款式開版其時書固完善也康熙間朱檢討始爲搜補已缺軼  
不少吳氏拜經樓藏書題跋曰咸淳臨安志九十五卷每葉二  
十行每行白文二十注文雙行二十鮑濂飲得於平湖高氏凡  
宋刻二十卷影宋鈔七十卷首有季滄葦圖記卷帙與傳是樓  
宋版書目相符蓋東海舊藏原本盡八十一卷濂飲先生從王  
氏吳氏影宋補鈔較竹垞所見多六十五六十六兩卷有紅藥  
山房收藏私印馬思贊之印漁村子仲安秀水朱氏潛采堂圖  
書天水寒可無衣飢可無食至於書不可一日失此昔人詒厥  
之名言是爲拜經樓藏書之雅則諸圖章同治四年邱春生作  
緣歸之八千卷樓

咸淳臨安志九十三卷

琴瑟軒黃氏鈔本

右爲錢塘黃溟滌江手鈔版心下有琴趣軒藏書五字前有飛  
白書咸溎臨安志五字闕卷悉同前本海鹽張燕昌謹識云咸  
溎臨安志凡百卷潛說友撰世鮮傳本茲鈔爲滌江黃先生三  
易寒暑所成裝成二十四冊乾隆辛卯長至前五日余游杭寓  
居龍泓館先生兒過珍重出示備言手鈔辛苦今幸得告成願  
君飛白書其前不欲以人間墨汁汙之耳噫自五代以來圖籍  
有雕本不知得書之艱惟前賢好學皆手自鈔校而讀書亦百  
倍於今先生之手鈔是書可謂無愧前賢之讀書矣燕昌自幼  
好書展對是鈔覺三十年來皆虛度也於古人讀書之法全未  
有合先生其有以教我矣卽爲蘸墨揮灑用報謬賞黃薌泉士  
珣爲汪小米遠孫校刊跋中自言並據此本也

咸溎臨安志九十三卷札記稿三卷

小山堂鈔本

振緒堂舊藏

右爲小山堂鈔本後有乾隆甲子東潛趙一清手記云閱之繕

山谷居士云昔年朱太史竹垞有宋刻半部高詹事江都亦有半部意欲合之竹垞靳而不予花山馬仲寒賙典書者類鈔寶同珠壁居士力請之先與錢二十千僅得其半蓋終惜之弟彼之亡求之孺子始成全書幾二十年矣雍正庚辛間修浙江通志開局於南樵關署居士與予及竹垞之孫稼翁咸與纂修稼翁貧甚居士爲余作絲以白金一斤購之曾未及三之一也而江村白雲樓所藏莫可致詰竹垞本雖不全而府治九縣圖居然完好則又仲寒本之所無余嘗借繡谷本鈔寫一通每卷尾多有題識亦間作議論及時事居士抱才不試有感輒發今年攜之松江舟中手勩愛而錄之嗣爲振綺堂所得道光辛卯汪小米右史延黃薊泉明經校而刻之卽據以作底本又附札記三卷手稿於後咸豐庚辛兩遭兵燹復後汪氏書散棄坊市予收得殘本仍以汪刊本補其闕滄桑之變喬木之感都於此帙寓

之矣

嘉禾志三十二卷 舊鈔本

右爲至元間嘉興路經歷單慶本路教授徐碩所撰分四十三門序次甚詳每條下間繫攷證亦極典核碑碣多至十一卷自三國以至南宋石刻之文罔不備載足爲徵文考獻之助前有至元戊子里人郭晦唐天麟二序云嘉興路總管萊山侯傑刊之也

至順鎮江志二十二卷 影鈔本

此書陸存齋攷定爲俞希魯撰希魯字用中鎮江人官至松江府同知按鎮江自東晉以來屹爲重地志乘之書在宋乾道間有熊克所撰者十卷見於宋史藝文志嘉定間盧憲所撰者三十卷見於書錄解題今乾道志久已失傳嘉定志尙有傳鈔之本已出後人掇拾此書體例大致取法於嘉定志而記載詳備

較爲過之大約宋志主於徵文此則重於攷獻宋志旁稽典籍務覈異同此則備錄故事多詳與廢鎮江在宋爲邊防之地故其志攻守形勢罔羅古今在元爲財賦之區故此書物產土貢臚陳名狀其用意各有所在不得而同也至於郡守參佐宋志近徵唐代此則遠溯六朝鄭賢寓公宋志旁搜隋氏以前此則詳於兩宋及元互爲補苴不可偏廢然自明以來藏書家絕無著錄之者洵爲罕覯之祕笈此書鈔本編次失當文字多舛今重加校定繕寫俾攷京口故實得以取資也以之抗行袁桷之志四明殆無愧焉

齊乘六卷

明刊本 朱竹垞藏書

郡人于欽思容纂

是書總括三齊輿地分爲八類曰沿革曰分野曰山川曰郡邑曰古蹟城郭曰風土曰人物前有至元己卯冬江北淮東道肅

政廉訪使蘇天爵序云公生於齊官於齊攷訂古今質以見聞  
歲久始克成編辭約而事核公在中朝爲御史憲臺都事左司  
員外郎終益都田賦總管以文雅擅名當時既卒其家蕭然獨  
遺是書於其子潛余官雜揚始得閱之又嘉靖甲子冬青州知  
府四明杜思子睿重序有竹垞秀水朱氏潛采堂圖書兩印  
金陵新志十五卷 元刊本 黃虞邵毛子晉朱西駿汪魚亭藏書

前奉元路學古書院山長張鉉輯

鉉字用鼎陝西人至正初江南諸道行御史臺臣將重刊周應  
合建康志而書終於景定至順間郡人戚光修集慶續志未爲  
詳審因聘鉉以繼景定志之後一爲地理十八圖二通紀三年  
表四疆域五山川六官守七田賦八民俗九學校十兵防十一  
祠祀十二古蹟十三人物十四摭遺十五論辨前有江南行御  
史臺都事索元岱序又修志文移修志本末引用古今書曰此

爲元刊版存南雍明正德間修補印本有晉江黃氏父子藏書  
俞邵二印俞邵名虞稷有千頃堂書目先世泉州人明末流寓  
上元此志當其所收又汲古閣彭城隍國秀水朱氏潛采堂  
書朱西畷曾觀汪魚亭藏閩書各印西畷者名昆田秀水未竹  
垞檢討子也

四明續志十二卷 舊鈔本

元王元恭撰

至正壬子三月蠡吾王元恭序云四明爲浙東望郡宋寶慶間  
舊有志入國朝當延祐庚申殆將百年城邑改觀時俗因革未  
有攷其事而修之者會使者贍思公巡行至郡俾重刊舊志與  
新志並傳亦旣序於篇端余叨守是邦思補缺畧乃命耆老之  
士日與討論復成續志凡十有二卷元恭字居敬眞定人至正  
二年爲明州總管千頃堂書目載其書



無錫縣志四卷

舊鈔本

元王仁輔撰無錫金匱志流寓傳王仁輔字文友鞏昌人久寓邑中兩娶皆吳產故多知吳中山水人物勅修縣志成二十八卷卒於梅里之祇陀村千頃堂書目有元王仁輔無錫縣志二十八卷提要因卷數不符疑此書爲明人所撰按此書近編四卷第一卷爲爵里第二卷爲山川第三卷爲事物分上下二子卷第四爲詞章亦分上中下三子卷子卷中又分小類二十一合之正與二十八數合而小類有不成卷者疑撰書目時據縣志修入卷數未核實也至書名以州爲縣係後人所追改

洪武京城圖志一卷

明宏治重刊本 山陰杜應蘇撰

首有皇都山川封域圖攷乃敘楚威王秦始皇吳晉宋齊梁陳隋唐南宋沿革也次目錄分宮闕城門山川壇廟官署學校寺觀橋梁街市樓館倉庫殿牧園圃七三門次爲京城圖爲山

川園已闕爲大祀壇山川壇廟宇寺觀圖爲官署圖爲國學圖  
爲街市橋梁圖棧館圖其文簡括明初建國規模瞭然在目前  
爲洪武二十八年十二月二十二日承直郎詹事府丞杜澤序  
稱神聖聰明深謀遠略詳內略外經營邑都其龍蟠虎踞之勢  
長江衛護之雄羣山拱翼之嚴此天地之所造設也若乃紫微  
臨金闕煌煌黃道分玉街坦坦城郭延袤市衢有條六卿居左  
經緯以文五府處西鎮靜以武如十廟以祀忠烈十樓以待嘉  
賓此皇上之所經制也以此觀之京師天下之本萬邦輻輳重  
譯來庭四海之所歸依萬民之所取正非遠代七朝偏據一方  
之可侔也皇上萬幾之暇命工繪圖頒示天下臣叨近侍之列  
仰瞻天日之光幸親斯圖不勝感戴又承務郎右春坊右贊善  
臣王俊華記後有承直郎南京戶部主事臣王鴻儒識云始鴻  
儒官南都好訪求高皇帝定天下時神功聖德及當時謀臣戰

將効奇戮力議論攻取之詳而故老凋零無所於質後生小子  
習聞俚談亦往失實而不足稽據獨時時從東南士大夫遊間  
得一二而嘗遺八九殊可恨也宏治壬子於杭人陳有功處忽  
得此書雖未足以滿平生之懷而金陵名勝之迹大抵得之矣  
汀甯知縣朱宗博雅好古請壽諸梓以廣其傳他日有欲賦南  
都之盛者亦當有攷於此云絳雲樓書目載有此書上元朱緒  
曾開有益齋讀書志所藏此圖志是明初印本鏤刻精工字仿  
趙松雪體共六十葉每半葉十行每行十九字篇幅寬闊字大  
悅目古香觸手與宋元佳刻無異惟關杜澤一序今雖宏治翻  
刻而當時得於杭人之手又增一重掌故矣有杜煦之印煦字  
尺莊山陰人嘉慶丁卯舉人截取知縣道光元年舉孝廉方正  
成化杭州府志六十三卷

明成化刊本

明夏時正修時正字季爵仁和人正統乙丑進士官至大理寺

鄉前有成化乙未十月白序云杭有舊志洪武中郡學教授徐一夔所修永樂間有續志景泰間又續之今官府皆亡矣巡撫劉公敷巡按吳公元文夏公瓊方伯甯公良杜公謙大參李公田憲使戴公琪憲副楊公瓊端公宏咸謂當修終不果以余居閒見屬再三乃以項君勰周君鼎洎劉子英陸子瑄薦遂開局於城北妙行寺志書泉上萬佛閣項周二君不果來終其事者劉陸二子也引用書日後又云元逮今志所當志宜不勝書今僅止此以有所不能也始欲廣延儒生侈其論列繙經閱史博其見聞不能也欲散遣儒生移書公府檢核舊牘求諸故實不能也寫字者僅仁和錢塘一老人掌之修書士旦趨暮歸抱業從事凡八閱月而告成解局以所書字小不便觀覽照咸淳志版式入刻費則集之九縣耳凡分封畛山川公署風土學校水利軍政詔赦郵政壇廟名宦科貢人物墳墓寺觀書籍碑碣紀

遺十八門而浙江左布政使祁陽甯良敘於首世頗譏此志所收冗濫然咸洎以後萬厯以前二百年遺聞墜緒端賴此書有南野草堂黃泥潭上人家吳儂生長湖山曲香月浦四印南野草堂爲莫杕柳亭所居其猶子濉山著耳食錄仇一鷗嘗贈柳亭詩云每逢君姪濉山話羨殺先生耐得貧鐵冶梅花郭婆井百年供養老詩人此印黃泥潭上人家正其地也

赤城新志二十三卷 明宏治刊本

明謝鐸撰鐸字鳴治天順甲申進士官至禮部侍郎兼國子監祭酒諡文肅是志鐸自序云寶繼篋窗舊志而作紀載皆斷自嘉定十六年始惟圖譜表三卷則兼采舊志以總要所在而不容以年斷也補遺攷異二卷亦因舊志而作而問及於今者前有宏治十年台州府知府海陵陳相序并新志凡例十則嘉靖天啓補刻志版二引

嘉興府志三十二卷

影寫本

吳氏繡谷何氏夢華藏書

賜進士嘉興府知府儀真柳琰纂修

琰爲成化丙戌進士志成於宏治壬子以府與所屬七縣各爲一志皆分二十一門提要譏其序述參差詳略失當然至元嘉禾志後此爲獨古遺文軼事記載宏多七縣旣分繁簡記載卽有詳略似未可以參差少之惜卷一至卷十闕佚僅存秀水嘉善海鹽平湖崇德桐鄉六邑前有何元錫識云是書乃錢塘繡谷吳氏家藏遺佚數卷博訪藏書家思補完未得也則流傳之稀可知矣有范陽盧氏文昭讀過兩印

惠大記六卷

明刊本

汪魚亭藏書

惠州府春秋爲百越地秦始皇置縣曰博羅龍川屬南海郡至明洪武始廢循州置惠州府領縣七歸善博羅海豐河源龍川長樂興甯隸廣東布政司嘉靖戊子豐湖鄭維新敬甫爲此志卷

一二曰迹攷上下卷三曰獻略卷四曰治略卷五六曰賁略上  
下自爲序有汪魚亭藏閱書一印

金陵古今圖攷一卷

明刊本

卷首有正德丙子春正月鄞陳沂自序云予家三世居南都雖  
歷京闕之勝莫攷前代乙亥歲京尹以府志屬筆紬繹舊史博  
治羣記私創爲圖云云金陵建置自列國以迄明代爲圖十有  
五又以城郭規制隨世異態復作互見圖以辨之每圖竝附有  
說沂字魯南先本鄞人徙家南京正德丁丑進士官至太僕寺  
卿明史文苑附李夢陽傳此乃未登第時所作尙有金陵世紀  
雜補錄未之見也

嘉興府圖記二十卷

明嘉靖刊本

皇明中順大夫嘉興府知府三原趙瀛校定奉政大夫通政使司  
左參議慈谿趙文華編輯

前有嘉靖己酉賜進士第知嘉興府事關中左山趙濂識云一日閱郡舊志遺略頗多繆譌殊甚行七邑正官并儒學搜訪以成寶錄既而閱之猶夫郡也時甬江趙君守制家居偕同寅趨請之君慨然諾昉於丁未夏脫稿於戊申秋又有文華撰序分方畫邦制文物土產凡四門而附以叢記其方畫每朝爲一地圖殊可爲法文華嘉靖己丑進士官至工部尙書明史附入姦臣嚴嵩傳敘述頗有體例不以人廢言可也

括蒼彙紀十五卷

明刊本

總修郡人賓嚴何鏗

凡紀輿圖沿革秩統次舍官師選舉封爵地理埵物產食貨禮祀保圉治行往哲闡揀藝文大事雜事一十七類萬曆七年鏗自爲序次列纂修凡例八則纂修姓氏知處州府熊子臣序於前云舊志作於成化詎今且百年人文國憲恐久而漸逸余甚



懼焉適督學喬公得請於開府直指二使者下郡國各事蒐補於是借諸縣大夫詣寶巖先生請屬筆焉凡八閱月而志成鏗字振卿號寶巖處州衛人嘉靖丁未進士官至江西提學僉事仁和縣志十四卷舊鈔本

湖廣江陵知縣致仕仁和沈朝宣纂著

是志著錄於千頃堂書目 四庫全書亦存其目提要曰朝宣字三吾仁和人官江陵知縣撰於嘉靖己酉凡例謂義類悉依洪武府志蓋所據者徐一夔本也體例頗謹巖較他地志之冗濫差爲勝之其稱杭州府舊志備載詔赦蓋用咸淳臨安志例不知其時臨安爲都城所以備錄明代已非都城卽爲贅文其說最協至碑刻之文祇載其目使後世無從攷證則失之太簡其書舊未刻版萬厯中諸生鄭圭有鈔本爲邑令周宗建攜去順治丁酉錢塘縣令沈虬於宗建家求得之邑人朱之浩始爲

傳寫之朝宣自有序瑞石江曉歷陽馬從謙朱之浩並爲後跋  
仁和白宋以來未有專志四百年來亦無刻者先兄竹舟亂後  
得於甬上似爲羅氏以智傳鈔本今與蠹志並刊於武林掌故  
叢編中

浙江通志七十二卷

明嘉靖刊本

前有嘉靖辛酉仲秋吏部尙書武英殿大學士華亭徐階序曰  
浙江故未有通志今爲志若干卷總督軍務太子太保兵部尙  
書兼右都御史梅林胡公謀諸巡按御史際巖周君春洲聘前  
提學副使方山薛君所輯也目錄後有應旂序云嘉靖乙未丙  
申閒今少傅存齋徐翁視學於浙始創爲之旅時知慈谿管承  
授簡旣翁以遷秩中輟越十六年辛亥旂承乏浙中學政至則  
問志稿罔有知者因妄意修輯巡歷郡縣俾各以其志送閱乃  
於故牘中得徐翁舊錄凡十一冊雖未經次第而篇有點竄因

揣意義反以三隅遂於壬子取全史及山海水經寰宇方輿諸志等籍有關於浙者分類手書漸有端緒明年二月左調歸不復事事又四年丙辰避寇金陵今宮保胡公謂余曾修浙志必欲屬旂成之辭謝不獲因重加刪潤大吏遺教論諸君卽旂山居校讐之十年之間凡七贍稿幸完斯編爲志十有一爲卷七十有二按志曰地里曰建置曰貢賦曰祠祀曰官師曰人物曰選舉曰藝文曰經武曰都會曰雜志冠以目錄小序及劄義次列全浙地里圖後人有譏其經武志中鋪敘梅林平寇功烈過甚者殊未揆情度勢耳應旂字仲常武進人嘉靖乙未進士官至陝西按察司副使卷前有赤松石室張羽儀紫字三印

甯波府志四十二卷

明嘉靖刊本

南京兵部尙書邢人張時微纂修甯波府知府蜀威遠周希哲訂

正

時徽字維靜鄞縣人嘉靖癸未進士官至南京兵部尙書明史附見張邦奇傳此志前有嘉靖庚申陽月浙江按察司提學副使吳郡范惟一序云洪武十四年鄞單仲友奏明州同國號請更名上以郡有定海縣海定則波雷始定今名云並有吏部尙書郡人開淵序時徽又序曰吾郡前則張津乾道圖經後則羅潛寶慶志袁桷延祐志王元恭至正續志楊寔成化志黃淵王簡要志今所傳則寔志也迄今曠闕九十五年矣余友戴君慨文獻之無徵也乃總而輯之名曰志徵威遠周君來謁請爲志固讓不獲乃進諸文學爲之始嘉靖己未九月訖庚申五月凡爲類五爲目五十爲卷四十有二有佐伯文庫印

滇略十卷 精鈔本 朱紫淵藏書

晉安謝肇淛輶

肇淛字在杭福建長樂人萬曆壬辰進士官至廣西右布政使

明史文苑附鄭善夫傳是書乃其官雲南時所作分十門曰版略志疆域也曰勝略志山川也曰產略志物產也曰俗略志民風也曰績略志名宦也曰獻略志鄉賢也曰事略志故實也曰文略志藝文也曰夷略志苗種也曰雜略志瑣聞也本之舊時圖經稍益新事引據有徵敘述有法大理府知府薛承教序有紫陽朱蔚園籍朱家月潭麟趾本仁譜印蔚字霞舉號紫瀾海甯州人道光乙酉順天舉人官工部主事

萬厯杭州府志一百卷 明刊本

雲南布政使司左布政使致仕郡人陳善纂修

萬厯七年南京工部尙書前巡撫浙江江西都察院右副都御史茹蘇徐斌浙江按察司提督學校會事關中喬因阜並爲序善又自序枕爲天下名郡浙茲建治寶云會城吳越開鎮南宋故都山川形勝物產才賢視他郡特異而郡乘弗稱曠且百年

前督撫徐公圖惟更新謀於學使喬公俾與是役先郡守吳公  
今郡守劉公協心並贊開局於褒忠祠綜括舊文證以傳述又  
以郡之大事不可無紀自三代迄元洎國初迄今可備覽鏡者  
各彙爲三卷義關勸戒傳備信疑爲目凡三十七爲卷凡百舊  
志輯於宋咸淳者潛公說友入明洪武間則徐公一變成化間  
則夏公時正皆已刊布惟嘉靖中孫令景時所輯武林文獻諸  
錄未及錢梓今所取裁者夏則十四孫則十三云末附外志一  
卷聯合合郡導山導川之原委使昭然在目黃氏千頃堂書目  
尙有武林風俗略一卷今未見按善字思敬父荆獻博學端方  
從王文成公游善幼穎異從父游文成門文成曰此任道器也  
弱冠舉進士三令巖邑擢郎官督學滇粵士風蒸蒸日上雲南  
左布政使未六十予告歸講明理學郡中推爲大師纂修杭州  
府志十年而成書今傳本極稀勿以明刊忽之

此書前題資善大夫南京禮部尚書郡人林嫌輯舉人袁表劉鎮太學生馬燮同修實則表所手撰也卷一至八爲輿地志分子目七日建置日山川日疆域日土風日城池日水利日食貨卷九至十五爲官政志分子目六日祀典日戎備日公署日職員日歷官日名宦卷十六至三十二爲人文志分子目十三日選舉日先儒日名賢日忠烈日良吏日先達日孝友日隱逸日文苑日鄉行日遷寓日方技日列女卷三十三至三十六爲雜物志分子目四日古蹟日時事日邱墓日寺觀嫌字貞恆閩縣人嘉靖二十六年進士選庶吉士授檢討歷官至南京禮部尚書贈太子少保諡文恪明史有傳表字景從亦閩縣人嘉靖戊午舉人授中書舍人歷官黎平太守著有述客集八卷此志前後無序跋凡例不知修於何時據鄉舉表終於萬曆七年則成

書當在十年前也乾隆甲戌福州知府徐景熹修府志徧求其書不得見徐志凡例是百餘年前閩中已無其書矧至今日益足珍秘矣每冊鈐有山陰祁氏藏書之章曠翁手識白文二方印淡生堂經籍記朱文長方印

錢塘縣志十卷

明萬曆刊本

令金川聶心湯純中甫纂修

心湯新塗人令錢塘日建化灣塘及捍江塘民思其德滌邑五載時當萬曆三十七年乃纂斯志一曰紀疆沿革城濠里陌河梁田賦物產列焉二曰紀勝山水列焉三曰紀制公署署驛壇廟祠墓祀觀列焉四曰紀都吳越南宋列焉五曰紀官官制令丞簿尉師儒名宦傳列焉六曰紀士辟舉進士鄉舉貢士武試措書封贈恩廕列焉七曰紀獻先詰寓賢列女列焉八曰紀事安祥風俗列焉九曰紀文賦詩紀雜文列焉十曰外紀釋仙藝



異談列焉有凡例有縣疆縣治二圖並自序而邑人黃汝亨陳  
禹諛虞淳熙吳之鯨各爲序是志僅列千頃堂書目暨南宋雜  
事詩引用書目乾隆開四庫館時亦未採進流傳絕稀勿以  
明志而輕視之

湖州府志十四卷

明刊本 葉氏得一居藏書

知府栗祁修郡人唐樞編

是書分土地人民政事三類土地之子目曰郡建疆域山川鄉  
鎮區畝形勝津梁物產古蹟陵廟人民之子目曰戶口功費風  
俗辟召甲科貢蔭逸遺列女流寓方藝政事之子目曰守令賦  
役學校修築郵錄刑禁兵屯解署郵遞壇祠前有府州縣境圖  
郡城七屬縣境圖修志凡例而禮部尙書兼學士工部尙書管  
吏部左侍郎事國史副總裁烏程董汾序之曰栗侯名祁別號  
東巖山東人唐先生名樞別號一菴則郡人也

續處州府志八卷

明刊本

前有萬曆三十一年處州府知府宣城許國志序郡人羅陽葉志淑纂修序曰成化癸卯郡守郭公命學官輯爲郡志至萬曆己卯幾近百年新昌熊公敦請鄉達何先生爲總裁又徵府學暨十邑諸生三十四人分類校正凡八閱月而成卽所稱前志也迄今又踰二紀其間建置事宜與仁賢芳軌多有可述者宣城許公來蒞吾枯者八年車轍殆徧十邑有府志之續以余在前志時曾與校修之列迺以總脩見屬凡續次舍官師選舉地里禮祀治行往哲武功八門

吳郡攷二卷

明刊本

袁綬階藏書

郡人劉鳳子威撰

鳳自序云前志不詳吳之分合因攷摭秦以來併會稽爲吳郡所領縣道二十六至漢順帝始還會稽治山陰而吳領其半入

孫氏至唐宋間郡國所上圖籍可循而知不復次云按黃氏干頃堂書目鳳有續吳錄二卷序稱前志不詳吳之分合豈卽續錄卽俟再訪之有袁綬階陳鯨觀兩印

歷代宅京記二十卷

舊鈔本

蘇天顏注士鐘藏書

崑山顧炎武亭林著

卷一二爲總序卷三之六爲關中周秦漢卷七之九爲雒陽卷十爲成都十一十二爲鄴十三爲建康十四爲雲中十五爲晉陽太原大名十六爲開封十七爲宋州臨安十八爲臨潢十九爲幽州二十爲遼陽大定會甯開平知聖教齋讀書跋尾謂是書與隆域志天下郡國利病書同時所作蓋在崇禎己卯以後而是書最晚成肇域志僅見廿餘卷原未卒業利病書繁而無例蓋未經整理此較整完所採皆正籍不墮說家窠臼有慕天顏印當在撫蘇時所閱者又爲汪闥原所藏有平陽汪氏藏書

及汪士鐘讀過又字閱原三十五峰園主人請印天顏字拱極  
甘肅靜甯人順治十二年進士歷官漕運總督

右地理類都會郡縣之屬

善本書室藏書志卷十一終

善本書室藏書志卷十二

錢塘丁丙松生甫輯

史部十一下

水經注釋四十卷刊誤十二卷

鈔配本

振綺室藏書

仁和趙一清誠夫錄

水經舊題漢桑欽撰然證以書中地理實三國時人其注則後魏酈道元作道元字善長范陽人官御史中尉魏書入酷吏傳北史出之者也注水經者尙有郭璞三卷杜氏作通典時猶及見今惟酈注存崇文總目已稱佚失五卷故元和郡縣太平寰宇兩書所引滹沱水洛水涇水皆不見於今書今之仍作四十一卷者蓋宋時重刊分析以足原數也一清承父叔之遺孳經攷史足繼小山雅緒是書因全謝山謂水經注原本注中有注雙行夾寫今混爲一幾不可辨乃從其說而創爲例聚四十家舊

本攷補原佚五卷中二十一水與六典注原數相符又疏證鄭氏北史本傳並從柳大中鈔本得廊亭原序之半可謂此書冠絕矣前有全祖望序並乾隆十九年一清自序既入四庫著錄其後人德元履元載元保元始於乾隆五十九年刊行此則振綺堂於未刊以前鈔本間與刊本異同咸豐兵火後散佚過半仍以刊本補之藉存舊鈔面目

水經注釋四十卷

舊鈔本

仁和趙一清誠夫錄

前有全祖望序乾隆十九年仲冬上旬瓊花街散人東潛白序北史本傳水經原序注釋參校諸本目錄版心注小山堂三字通卷朱筆點完當是未刻以前傳鈔之本然亦未易覩也

水經注四十卷

明刊本 趙次侯藏書

漢桑欽撰後魏酈道元注吳瑄校

此爲明新安吳氏山海經合刻本前有蕭中方沅序有吳竹屏藏書記錄如意齋清玩次侯讀書諸印

水經注四十卷

校刊本

董小鈍藏書

漢桑欽撰後魏酈道元注

此爲天都黃晟刊本首冠歐陽元撰金禮部郎中蔡正甫補正水經序正甫書雖佚而經注源流得藉之攷證又嘉靖甲午吳郡黃省曾萬歷乙酉瑯琊王世懋乙卯南州朱謀瑋西楚李長庚諸序有雙韭山房印並以朱筆錄趙清常孫潛夫沈礪芳何義門諸校語於卷眉又有小韭山房董乘純抑儒字小鈍三印小鈍鄞縣人乾隆癸酉拔貢官甘肅秦安知縣全謝山弟子也鮎埼亭外集卽所拾刊謝山嘗七校水經此殆節錄其手校本

跋

四明它山水利備覽二卷

舊鈔本

大宋魏峴編輯

峴鄞人官朝奉郎提舉福建路市舶它山水在鄞縣灌溉七鄉  
惟爲江湖所衝不利耕作唐時築堰捍潮遂爲永利歲久廢壞  
峴請於府重修因作是書上卷記源流規制及修築始末下卷  
爲碑記與題詠前有清祐二年峴自序明陳朝輔得成化間鈔  
本重刻尙有一序此則無之有四積堂王氏珍藏印

浙西水利書三卷

影寫明刊本

明宏治十年提督水利工部主事姚灝撰并序文灝貴溪人成  
化甲辰進士是書大旨以天下之賦仰給江南之蘇松常與浙  
江之杭嘉湖六府環居太湖最爲卑下淫潦則泛溢爲患而圍  
田掩遏塘港漚塞非開江置閘田岸無以奏功因分宋書元書  
今書之言水利者錄而參酌實事求是匪同紙上空言

敬止集四卷

精鈔本



明陳應芳撰

續文獻通攷謂是書無卷數所見殆初稿也應芳字元振萬歷進士官福建布政司參政家於秦州以淮南夙稱澤國因講求水道源委與河之利害集當時奏疏公移私札成此一編詳著圖說自爲之序名曰敬止重桑梓也

淮南水利攷二卷

明刊本

吳星叟藏書

是書序前失半葉不知誰氏所撰中稱平江伯陳公總漕於淮二十七年多招名士攷圖書按形勢開今運河築隄堰修牾壩爲國家千萬年之利乃知平江之功德由攷道而用中也名士若黃翰學諫王臺察頤壽皆由公薦起家其久處門下不樂仕進者若尙書沐陽伯金公濂廉訪羅公詮僉憲齊公昭太守金公銳暨成宏間搢紳之以經術動德炳顯於一時者皆公門下士之門人則公之功在社稷獨治水也歟哉然而水治者以此

有星叟農祥之章注魚亭藏閱書二印農祥姓吳氏字慶百仁  
和人太冲之子康熙間舉鴻博居孩兒巷

南湖攷一卷

明刊本

羅鏡泉藏書

南湖在餘杭郭外發源天目爲浙西水利之樞機今則侵佔過  
半湮塞又幾半矣此萬曆三十七年梁谿陳幼學所序刊之本  
云南上南下兩湖肇於漢之陳復於唐之歸守於宋之楊入元  
而盡失之我明自傅院而後寥寥無聞今南湖非復漢唐宋之  
南湖矣當事者有意清復庶幾比烈三賢幼學幸從杭嘉兩郡  
長之後得一寓目而不能忘情爲南湖攷分陳合創築之圖傅  
院清理之圖土人指視之圖奸豪侵占之圖苕溪總會之圖各  
爲之說並著浚湖說略於後有江東羅氏所藏一印

右地理類河渠之屬

九邊圖說一卷

明刊本

前有隆慶三年兵部尚書霍左侍郎曹暨職方清吏司郎中孫應元趙宋等題奏稱伏覩登極詔內各處府州縣大小繁簡衝僻難易不同吏部通將天下府州縣逐一品第定爲上中下三等遇該推陞選補量才投任其各將官所任地方兵部亦以邊腹衝緩分爲三等遇該陞調照此施行鈔捧到部咨各鎮督撫軍門將所管地方開具衝緩仍畫圖貼說以便查照隨陞續開報前來本司稽往牒參堂稿東起遼左西盡甘州每鎮有總圖以統其綱有分圖以析其目某爲極衝某次衝某偏僻某切近敵巢某極單弱與一鎮之兵馬錢糧數目無不畢具不惟思患預防而各鎮之地利險夷各邊之兵馬多寡一開卷而洞析矣計遼東鎮總分圖說薊鎮總分圖說宜府鎮城五路總圖大同鎮總分圖說山西鎮總分圖說延綏鎮總分圖說甯夏鎮總分圖說固原鎮總分圖說甘肅鎮總分圖說故曰九邊圖繪極細

洵防邊者所不廢之書也按天一閣書目載明九邊攷長沙魏煥嘉靖壬寅張環序富與此彷彿耳

楚邊圖說一卷

明刊本 曹棟亭藏書

新安吳國仕著廬州門人王謙校

楚邊圖者乃辰沅隸楚邊仰咽喉滇黔襟帶川廣爲三省要區苗穴參錯郡邑而鎮壘及平清偏鎮等衛介其中屢討屢叛萬曆四十三年黔中大叛兩江埒橫鎮壘紅苗諸逆及六龍三山等塞所在蠶起國仕入沅蒞事乃率劉別駕伯瀚歷險阻察苗徑規地形較遠近酌緩急建哨一十有七豎炮樓者三十有二增兵至九百餘人著爲圖說萬曆丁巳辰州知府武圖功爲後序繪圖精澁字畫端方不但有神武備已也國仕甲辰進士有棟亭曹氏藏書印

右地理類邊防之屬

虎邱山志一卷文詩三卷

影寫本

錢遵王貝嘯藏書

邵人王賓撰鄉貢進士邑後學如昂重輯致安仁縣事邑人謝緒

書知長洲縣事孝感劉輝入

前有王賓原序成化丙午

士兵部武庫清吏主事邵人徐源

重輯序邑令劉輝後序志

山泉石寺殿閣亭臺塚墓廟各公

祠庵院溪塘土產異僧名僧異人名人名賢異蹟異聞雜志文

辭書翰繪塑凡二十一門文及前朝詩明代詩各爲一卷按千

頃堂書目止載王賓虎邱集二卷而不及志此帙有虞山錢曾

王述古堂藏書一條影寫精湛證以述古堂藏書目相合殆卽

遵王故籍也有千墨齋平江貝氏文苑貝墉見香居士詩印墉

字簡香吳縣人嘗萃明人墨迹彙刻之爲千墨庵帖

雲門志略五卷

明刊本 趙氏小山堂藏書

雲門山在會稽城南元至正十年相里氏允若字季衡作雲門

集金華黃潛序之張氏元怵以其未備補輯是略有萬歷甲戌  
自序卷一山川古蹟各賢仙釋卷二記敘銘詩卷三晉唐詩卷  
四宋元詩卷五明詩并繪雲門圖於前元怵字子蓋山陰人隆  
慶辛未進士官至左論德明史有傳有小山堂書畫印汪魚亭  
藏閱書兩朱記

桂勝四卷桂故八卷

鈔小字本

明張鳴鳳撰

鳴鳳字羽王豐城人嘉靖壬子舉人官桂林府通判是書乃作  
於斯時前有萬歷乙酉秋鳴鳳自序總釋兩廣軍務兼巡撫廣  
東中都劉繼文序云別駕張君素稱博雅且居灘山下遂以志  
屬焉於是旁搜博採援古質今凡諸山之噴吮諸川之選絕及  
數百年之古文遺事郡國政績文獻流寓彙編成帙前四卷爲  
桂勝志槩也後八卷志故實也二志作而山川之幽僻古蹟之

幾於沈晦者至是悉顯云鈔本絕工不減唐人手書

閩阜山志二卷

舊鈔本

揚州馬氏藏書

東吳俞策公臨撰

前有萬曆丙戌雲間陸從平序云余從塞上移守臨江境內玉  
筍山爲十七洞天閩阜山爲三十三福地以簿書徵繼亡能一  
至余友俞公臨來自吉州已登玉筍稱不絕口又游閩阜余不  
能從歸謂閩阜之勝過於玉筍羽流出示舊紀公臨重爲疏之  
卷上爲山攷名勝宮觀記文卷下爲題詠葛仙本傳是冊面有  
乾隆四十二年兩淮鹽政李質送到馬裕家藏俞策閩阜山志  
壹部計壹本朱記鈐有翰林院印蓋採進 四庫館閱過發還  
本子也按焦氏經籍志千頃堂書目有楊申閩阜山記一卷不  
知卽是羽流出示之舊紀否

齊雲山志六卷

明嘉靖刊本

齊雲山在休甯縣蓋白嶽西北分支也上有北極佑聖真君神祠嘉靖中始著齊雲山之號萬曆癸未進士休甯知縣魯點著山志五卷見於四庫存目此本前列山圖一卷爲肇運二卷爲山水三卷爲建置四卷爲道侶五卷爲高道六卷爲祀典凡嘉靖十一年五月十七年六月二十五年祈求皇嗣御製青詞謝表及遣臣李得晟等依太皇后求孫意僊嬪求嗣意內庭夫人求嗣意諸文碑刻錄於後不著編輯姓氏豈魯志本此書而改撰歟

右地理類山川之屬

長安志二十卷長安志圖三卷

錢明嘉靖西安刊本

吳繩谷藏書

龍圖閣直學士右諫議大夫修國史特贈尚書禮部侍郎常山侯宋敏求撰圖中順大夫陝西諸道行御史臺治書侍御史東明李好文



宋次道以唐韋述西京記疏畧更採羣籍凡長安城郭官府山川道里津梁郵驛以至風俗物產宮室寺院坊市第宅靡不備載前有熙甯九年太常博士趙彥若序司馬溫公稱其詳於韋記十倍程大昌稱其引類相從最爲明晰黃虞稷云此書號稱博洽吳翌鳳云海鹽張氏間有宋刻本黃丕烈得成化本謂勿以明刊輕之至長安志圖三卷爲好文至正二年再任陝西行臺侍御時所補自序後有河濱漁者編類圖說前進士頻陽張敏同編校正兩行圖凡二十有二其渠涇圖說頗裨民事文淵閣書目有單刻本土禮居藏書題跋云長安志近靈巖山館刊本因志圖卷下渠堰因革標目及一二三條已闕竟將四日豐利渠條逕接入富平縣境石川溉田圖後而嘉靖時刊本居然具在可云佳絕此卽影寫嘉靖十一年冬知西安府事南埠李經所序刊武功康海所加序本也舊列李嗣於宋志前因譏其

強合素越故依代列之卷而有吳繡谷題字卷端有盧文弼紹  
弓氏兩印

雍錄十卷

明嘉靖刊本

新安程大昌秦之

是錄以三輔黃圖唐六典宋敏求長安志呂大防長安志及祕  
書省圖諸籍互相攷證於宮殿山水都邑皆有圖有說在輿地  
中爲最善之本且第五卷中特緝漢唐用兵攻所守備每地一  
圖大約承孝宗銳意恢復有志中原而作也有明西安郡守汝  
南李經序而刊置郡齋嘉靖辛卯康海又有序

類編長安志十卷

舊鈔本

京兆路儒學教授暨天驥纂編開成路儒學教授薛延年校正

前有元貞丙申藏齋遺老天驥自序謂聖元皇子安西王冊土  
關中至元癸酉創建王府選長安之勝地王相兼營司大使趙

公以僕長安舊人相從遍訪長安事跡足履目見之熟每患舊志散漫乃撮其樞要自漢晉隋唐宋金迄皇元更改府郡州縣引用諸書檢討傳記分門類聚并秦中古今碑刻名賢詩文哀爲一集析爲十卷目曰類編又大德戊戌安西路儒學教授鹿溪賈鹹安西總管山木老人王利川兩序并安西路州縣圖及引用書目蓋取宋次道舊志增金元間沿革故事而類編之嘗著錄於文淵閣書目此則舊鈔本也

汴京遺蹟志二十四卷

明刊本 稽瑞樓舊藏

大梁李濂川父

前有嘉靖二十五年嵩潁山人李濂自序並凡例十則濂祥符人正德甲戌進士官至山西按察司僉事明史入文苑傳嘗爲祥符鄉賢文獻兩傳志復以汴京無專志東京夢華錄猥瑣不足觀遂自朱梁以迄金源數百年間建置沿革之中興廢存亡

之迹摭拾舊聞編次成帙足以繼宋程諸書矣有稽瑞樓一印

重陽庵集一卷

明嘉靖刊本 丁敬身舊藏

本菴東堂純一子梅古春編輯大真人府知事俞大彰重編

前有成化乙未錢塘江玳序謂吳山多琳宮重陽其一也當盛暑時至其門卽清涼沃人躡磴而上至青衣洞水出洞口盈而不流外有亭翼然池上崖立若削有石刻十方大重陽庵及吳山福地青衣洞天十四字前主山梅鍊師嘗輯詩文彙而爲帙予爲序之菴有吳山福地青衣洞天雲水鉢堂龍虎丹室松巢白鶴地產靈芝萬竿翠竹一泓湧泉八景鄉之先達題詠甚多頗足資掌故云卷面有丁氏敬身印并題字

徑山集三卷

明刊本 揚州馬氏藏書

前徑山興聖萬壽禪寺住持金華宗淨集

徑山在臨安縣天目山東北唐國一禪師法欽始開山代宗詔

建寺唐乾符宋大中祥符政和興改寺額南渡後顯仁太后高宗嘗遊幸賜賚孝宗御書千僧閣妙喜菴扁額是集上卷記寺之建置中卷記禪宗下卷載藝文萬曆丙子僧方壹有序又後識曰本山比邱正瑤呆菴十一世孫也緣觀是集殘毀將泯惜無以聞見後賢率徒性澄等回施衣資謹刻流通所冀閱者不動腳頭已覽一山三石怪未譚舌底早知雙徑五峰寒悟是相非相卽如來清淨法身斯觀不觀證常人游戲三昧云云冊面有長方木記朱書乾隆三十八年四月兩淮鹽政李質送到馬裕家藏釋宗淨徑山集壹部計書壹本卷首鈐翰林院印蓋四庫館退還之本也

皇明寺觀志一卷

明鈔本

季滄葦藏書

是志從明一統志寺觀一門錄出者有御史之章季振宜印滄葦汪魚亭藏閱書舊雨樓書畫印趙朝甯印古歡書屋諸圖記

金陵梵刹志五十三卷

明刊本

南京尚寶司卿前福建提學參議湖廣提學副使南京禮部祠祭司郎中錢塘葛寅亮撰并序寅亮字祀瞻萬曆庚子解元辛丑進士此志金陵梵刹依僧錄分攝以靈谷天界報恩三大寺統次大寺五中寺三十二小寺一百二十已廢之寺別爲一編冠以御製欽錄二集末附南藏目錄及各寺諸祖額公費僧規公產諸條有南京禮部祠祭清吏司主事建德鄭三俊後序葛公嘗築室南屏山麓著四書湖南講學錄

金陵元觀志十三卷

明刊本

曹倦圃藏書

右志前無序後無跋一卷紀冶城山朝天宮二卷紀石城山靈應觀三卷紀獅子山盧龍觀四卷紀洞神觀五卷紀清源觀六卷紀仙鶴觀七卷紀長壽山朝真觀八卷紀方山洞元觀九卷紀玉虛觀十卷紀吉山祠山廟十一卷紀移忠觀十二卷紀佑

神觀十三卷紀神樂觀仍如梵刹志例以大觀統攝小觀也惟  
租額公費道規則係於各觀之下古蹟詩文附焉目錄後有割  
裂痕疑非全帙有曹溶之印潔躬兩朱記

湯陰精忠廟志十四卷

明刊本

彰德府推官張應登輯

前有吏部尚書武英殿大學士郡人東野郭朴序曰彰德司理  
內江張玉車氏所哀忠武岳鄂王事蹟精忠實王廟賜額云次  
爲推官張修志公文一卷爲廟圖先塋世系遺像年表二卷爲  
本傳三卷爲子孫部將附傳四卷爲宸翰五卷爲絲綸六卷爲  
家集七卷爲褒典八九十卷爲藝文王之廟食非止一方惟鄂  
渚朱仙鎮錢塘湯陰四廟爲最著而湯陰乃王嶽降之地尤志  
所宜首者也徐氏傳是樓書目曾入著錄

常熟縣破山興福寺志四卷

明刊本

四庫發還本

偈菴程嘉燧輯

嘉燧字孟陽休甯布衣明史附文苑唐時升傳常熟縣西十里  
有破山興福寺創建於齊梁間是書前繪烏目山興福寺二圖  
一二卷記山中古蹟附以詩文三卷記建置四卷記禪宗敘次  
雅潔寫刻精工所列常建詩竹徑不作曲徑與宋本合卷首鈐  
翰林院印蓋 四庫館給還之書也

帝陵圖說四卷 鈔本 汪魚亭藏書

南豐梁份謨

份字質人南豐人學於甯郡魏禧著有秦邊紀略懷葛堂文集  
卷一前目列鍾山圖說孝陵圖說僅有空葉殆未錄也卷二爲  
天壽山諸陵圖說卷三爲金山圖說景帝陵圖說後附十三陵  
上下兩記天壽山十三陵曰長陵曰獻陵曰景陵曰裕陵曰茂  
陵曰泰陵曰康陵曰永陵曰昭陵曰定陵曰慶陵曰德陵曰思



陵昌平州在京師北六十里天壽又在州北三四里萬峰環轟如城闕其南如門而層層拱抱中則平原廣輪可二十里份暨新安黃曰瑚徒步往謁份爲圖說曰瑚步趨形勢規制遠近吉凶無不載入焉有汪魚亭藏閔書印

右地理類古蹟之屬

南方草木狀三卷

明翻宋本

永興元年十一月丙子振威將軍襄陽太守稽含撰

書前自引云南越交趾植物有四裔最爲奇周秦以前無稱焉自漢武帝開拓封疆搜采珍異取其尤者充貢中州之人或昧其狀乃以所聞詮敘有裨子弟云爾卷上草類二十九卷中木類二十八卷下果類十七竹類六共八十種敘述典雅非唐以後人筆也含事蹟附晉書稽紹傳

北戶錄三卷

明刊校宋本 黃堯圃藏書

萬年縣尉段公路著登仕郎前京兆府參軍崔龜圖注

前有右拾遺內供奉陸希聲序稱東牟段君公路鄒平公之孫也自未能把筆愛以指畫地如文字及六七歲受學果能強力不罷以事南游五嶺采其民風土俗飲食衣製歌謠哀樂有異於中夏者錄而志之草木果蔬蟲魚羽毛之類有瑰形詭狀者亦莫不畢載云云是錄南宋臨安府太廟前尹家書籍鋪刊行明時胡文煥併刻爲兩卷且不題注人姓名黃善備借得宋版校歸原卷次第始著注者爲崔龜圖非若別本脫去崔字疑爲公路之族也北戶者顏師古注漢書地理志交阯郡有北戶在日之南所謂開北戶以向日書名其以此乎

兩京新記卷第三殘本

舊鈔本

唐韋述撰

掇經室外集提要云原本五卷見宋史藝文志及程大昌雍錄

邱璞七修類稿亦嘗及之朱彝尊書熙甯長安志後云東西京  
記世無全書則彝尊所見已非完本矣此一卷在原書爲第三  
卷所載坊寺宅觀園祠於東西南北此次頗詳前有日本人題  
記一篇此何夢華從佚存叢書中錄出者有趙笱之印笱字嘯  
雲杭人諸生善繪事

桂林風土記一卷

錢甫白鈔校本 馬笱齋藏書

銀青光祿大夫檢校散騎常侍使持節融州諸軍事守融州刺史  
御史大夫莫休符撰

新唐書藝文志作三卷此僅一卷目錄四十六條今闕蒼梧火  
山宜州龍探木二條前有光化二年九月自序云前賢撰述有  
事必書故有三國志荆楚歲時記湘中記奉天記惟桂林事迹  
闕然休符因退居粗錄見聞曰桂林風土記後有洪武壬戌三  
月傳錢塘宜齋沈勗義產忠父藏本一條此冊爲乾隆壬子錢

說曾南白氏鈔校有臣錢說曾別號南白兩印有醉經樓黃錫  
蕃印椒升馬玉堂印笏齋諸印

岳陽風土記一卷

明嘉靖刊本

宋承德郎監岳州在城酒稅務范致明撰明進士岳州府通判錢  
塘許嶽重梓

致明字晦叔建安人元符登進士第二人仕至次對嘗謫監岳  
州酒稅因撰此書雖僅一卷而於郡邑沿革山川改易古蹟存  
亡攷證彌詳不同附會其他遺聞軼事採擇惟精筆尤雅潔靖  
康之亂書不復見紹興丙辰致明從子寅秩奉使湖北郡守范  
侯濛得之煨燼間出示寅秩因請鏤版謹跋於後淳熙六年版  
多漫滅郡守盱江劉谷陞重刊跋之元括蒼葉子奇曾有更定  
之本明嘉靖甲辰嘉禾陸瑯跋稱得鈔本於鄉大夫胥柳州家  
時方輯郡乘多所取證同寅裘司理汝中因復付梓此爲吾鄉

許氏重刊本嶽字子峻嘉靖庚戌進士官河南按察僉事備兵  
潁上禦寇維揚保全鋒鏑遭誣謫河陽同知移判岳州蒲蘆州  
城治爲三楚之最記當刻於此時吳邵徐學謨爲之序有冰谷  
山陰許氏珍藏許尙質印別號釀川諸印

會稽三賦一卷

明刊本

王宗炎藏書

宋東嘉王十朋撰明渭南南逢吉校注

前列宋史王龜齡傳略及南宋紹興府圖說三賦者一曰會稽  
風俗賦一曰民事堂賦一曰蓬萊閣賦皆紀會稽之風土嵎縣  
周世則嘗注風俗賦郡人史鑄更爲增注并注後二賦此則明  
姜泉南氏所校注也後有王宗炎手記及十萬卷樓藏書端履  
小穀枚菴流覽所及各印

會稽三賦一卷

影宋本

東嘉王十朋撰剡谿周世則注郡人史鑄增注

前有鑄序於撰人下注云公字龜齡從游者稱梅谿先生紹興  
丁丑歲廷對第一是年冬到越爲簽幕仕至太子詹事有梅谿  
前後集凡五十卷行於世增注俱黑質白文每葉十八行行大  
字十八小字三十注中有注版心三賦二字並分注大小字數  
舊爲朱卧菴之赤所藏此從而摹之者也有許氏行素軒收藏  
書畫記印

揚州賦一卷續賦一卷

影寫明刊本

宋將仕郎守大理丞知揚州江都縣事王觀撰續賦宋揚州學正  
江都陳洪範撰

觀字通叟如皋人嘉祐間與從弟觀從胡安定學於上庠秦少  
游謂其昆弟高才力學無與比者及試開封府相舉爲第一觀  
舉嘉祐二年進士除少府選大理丞知江都縣卒著有天爵子  
府元集芍藥譜觀子注其在江都著揚州賦并自爲注上諸朝

大蒙褒異賜緋衣銀章其賦麗而雅有神益規諷之忠洪至江  
都人宋濬熙間爲揚州學正是時郡守鄭興裔崇教右儒居多  
懿政洪範爲屬吏親見行事乃撰續揚州賦頌著厥善以稱述  
之詞頗藻麗非溢美云明嘉靖乙巳儀真張架序而缺梓之范  
氏天一閣劫後尙存此書因錄之以作二分明月三月烟花觀  
也

中吳紀聞六卷

吳志忠校毛刻本

袁毅階藏

崑山龔明之希仲

明之號五休居士紹興間以鄉貢爲高州文學濬熙初舉經明  
行修授宣教郎賜緋魚袋致仕是書成於濬熙九年明之年已  
九十有二自序謂幼事王父母每講論鄉之先進誨化當世者  
未嘗不注意景仰少長從父黨游皆名人魁士從事虞庠同舍  
亦多文人行士揭德振華咸可以紀口授小子昱鈔其大端不

惟可稽往迹資談柄其間有係王化關士風者皆新舊圖經及  
吳郡志所不載者至於鬼神夢卜談諧嘲諷亦錄而弗棄云云  
可謂老而彌篤者矣書久罕傳至正間盧熊訪得之崇禎時毛  
晉校刻之然脫誤頗多此經妙道人吳志忠以宋本何義門陸  
貽典袁綬階鮑以文諸校本過錄於上可稱盡美盡善矣有綬  
階西溪別業籍圃主人麥溪張氏蛾術齋藏秦峰志忠手校諸  
印

桂海虞衡志一卷 明鈔本 袁濂六藏書

前有淳熙二年吳郡范成大至能自序志凡十三篇曰巖洞曰  
金石曰香曰酒曰器曰禽曰獸曰蟲魚曰花曰果曰草木曰雜  
誌曰志蠻每篇各有小序蓋乾道二年成大由中書舍人出知  
靜江府淳熙二年除敷文閣待制四川制置使自廣右入蜀之  
時道中追憶之作也原書凡三卷不知何人併爲一卷卷首鈐



翰林院印且有館臣鈎勒之字當爲四庫發還兩江採進之

本有古潭州袁臥雪廬收藏白文方印

都城紀勝一卷 舊鈔本 何夢華藏書

宋端平乙未元日寓濯圃耐得翁序謂洛陽名園記後論有云  
園囿之興廢者洛陽盛衰之候也况中興行都之盛爲今日四  
方之標準僕遭遇明時寓遊京國目覩耳聞殆非一日其已於  
圖經書志所載者便不重舉雖不足以形容太平氣象之萬一  
亦髮髯名園記之遺意焉凡記十四門曰市井諸行酒肆食店  
茶坊四司六局瓦舍眾伎社會園苑舟船鋪席坊苑開人三教  
外地敘述頗詳曹棟亭有刻本此則夢萼館鈔本有何元錫印  
武林舊事十卷 黃堯圃校刊本

泗水潛夫輯

前有自序爲錢遵王所補錄今節而書云余客脩門閭一聞退

璫老監談先朝舊事輒耳諦聽不倦既而曳裾貴邸耳目益廣  
朝歌暮嬉初不省承平樂事爲難遇及時移物換追想昔遊殆  
如夢寐每欲萃爲編帙如呂榮陽雜記而加詳孟元老夢華而  
近雅病忘慵惰未能成書因撫大槩雜然書之後有至元後戊  
寅忻厚德周和父記云武林舊事乃弁陽老人草窗周密公謹  
所集也刊本止第六卷山中仇先生所藏本終十卷後歸西河  
莫氏家余就假於莫氏因手鈔成全書以識歲月藏於家塾明  
宏治間宋延佐止刊六卷商氏祿復刊後武林舊事四卷此  
卷合刻而黃堯圃據述古堂本倩陸拙生所校者也

高寄齋訂正武林舊事六卷後集五卷

明刊本

泗水潛夫輯繡水沈德先孚先郁家慶校

泗水潛夫者乃周公謹也名密號草窗先世濟南人嘗流寓杭  
州癸辛街於乾道清熙三朝授受兩宮奉養之蹟日謝耳聞尤

爲確實筆之簡編最關掌故歲久遺逸至正德戊寅按浙江監  
察御史奉天宋廷佐始得六卷命杭州知府溫陵留志淑刊置  
郡庠并不知潛夫爲誰但序云紀武林事較他書爲備耳志淑  
後亦有識語海鹽姚士麟叔祥復從海虞趙元度得全帙自棊  
待詔已下五卷杭刻所缺也末又有宏治乙卯四月望后靖跋  
云此二冊予假於太子太保遂安伯陳公家同年友文部副郎  
黃君廷用錄之以歸余云右高寄齋乃從前後舊本而重刻者  
也姑存之以見分合面目云

吳中舊事一卷

舊鈔本

閔裕仲手校

元陸友仁撰

友仁字輔之吳郡人嘗著硯北雜志此帙前有自記云吳中山  
水清嘉衣冠所聚今其子孫往往淪落而無聞其遺風餘俗邈  
不可攷故因暇日參記舊聞凡一百餘事庶資郡乘之萬一云

爾末有乾隆甲辰孟冬七日桃源村莊力疾寫完王屋山人記  
一條

平江紀事一卷 鈔本

建德總管邵人高德墓

是書所記皆吳郡古蹟兼及神仙鬼怪詭諧謠諺之事可裨圖  
志佚聞中記修遼金宋史事當成於至正中

長溪瑣語一卷 舊寫本

晉安謝肇淛輯

長溪今之福甯府也肇淛生於其地歷載山川名勝人物故事  
間及神怪蓋備志乘之採輯耳在杭家多藏書世所稱小草齋  
本歿後諸子盡鬻遺籍半由陳開仲歸之周亮工記之增感

金陵瑣事四卷續二卷二續二卷 明刊本

漫士周暉吉甫撰

前生萬歷庚戌澹園焦竑序稱周吉甫爲博士弟子嘗綴金陵舊事二卷更錯綜餘緒以爲是書上關典章徵及俶詭前修往行名流嘉話下而街談巷議與聖人所不語者往往在焉吉父自序云余有尙白齋客談友人王氏元禎旣爲分梓其集暇取客談中切於金陵者錄成各曰瑣事蓋國史之所不暇收邵乘之所不能備者不過細瑣之事而已唐光憲北夢瑣言譏山人唐球詩思遊歷不能出二百里外余甚愧乎其言嗟夫余誠金陵之人而已矣有三益居士印

東城雜記二卷

手稿本

錢塘厲鶚太鴻

鶚一字雄飛居東城之成衙營記里中遺聞軼事爲輿地所不載者凡八十五條如九宮貴神壇紅亭醋庫宋刻之劔石銘慈雲寺之生臺石甲乙傳流碑竹深亭高雲閣之類皆攷核典雅

足補志乘之遺 四庫全書既爲著錄汪氏振綺堂復爲刊版  
區區一隅之記儲之 七閣行之四海亦可謂不負其著述苦  
心矣此爲手彙本塗乙審善繕寫雅逸其珍重又在宋槧元刊  
之外也

右地理類雜記之屬

遊志續編二卷

清錢本

南村居士陶宗儀九成

是編繼宋天台陳仁玉游志而作所載多唐宋元人游覽之作  
自樊宗師柳公權元結而下凡四十有八家選擇精審並足以  
資攷證書中有存其目而其書未經採入者若李格非之洛陽  
名園記范至能之駿鸞錄吳船錄後人遂疑爲未成之書案朱  
彝尊云宗儀所著各書有裨史學此其一也卷末有錢叔寶殺  
跋吳枚菴翌鳳鮑以文廷暉題識阮氏元錄以進 御學經室

外集有提要

古今游名山記十七卷

明刊細字本

括蒼何鏜振卿編輯廬陵吳炳用校正

首爲總錄三篇曰勝紀曰名言曰類攷次記兩京各省山川及游人序記及自記所經游者前有泰泉黃佐廬陵吳炳吳郡王世貞太原王穉登臨川湯顯祖序後有康樂蔡文範及鏜自跋有平津館鑑藏記稱是編雖出明人所撰而刻手工整頗可觀覽

海內奇觀十卷

明刊本

前有高安陳邦瞻錢塘葛寅亮新安方慶來序并萬曆己酉菊月錢塘卧遊道人楊爾曾字聖魯自序次列凡例十三條首繪明一統圖次五嶽白嶽孔林西山金陵茅山黃山浮山金焦北固虎邱西湖吳山天目兩越名山普陀天台雁宕武夷九鯉湖

麻姑山匡廬黃鶴樓岳陽樓赤壁峨嵋三峽棧道兩河太和五  
臺桂海七星巖雞足山九鼎山莫不繪圖列說附以十大洞天  
三十六洞天七十二福地海上仙山海上十渚名攷可謂模山  
範水探靈索異者矣繪圖者錢塘陳一貫鑄版者新安汪忠信  
皆非凡手所及

右地理類游記之屬

宣和奉使高麗圖經四十卷

舊鈔本

奉議郎充奉使高麗國信所提轄人船禮物賜緋魚袋臣徐兢撰  
前有兢序又乾道三年兢姪藏識云追補圖而不果姑刻澂江  
郡齋後有宋故尚書刑部員外郎徐公行狀謂公名兢字明叔  
姓徐氏上世歐甯人自光祿始徙居和州之歷陽祕閣爲鄂州  
法曹寓黃鶴樓上實生公宣和六年高麗入貢請於上院得能  
書者至國中繼遣給事中路允迪報聘卽以公爲國信所提轄



官因撰高麗圖經四十卷詔給札上之云云明季海鹽鄭修仲有重刻本脫字尙少暇當校補其闕也

島夷志略一卷

鈔本

元江大淵撰

大淵字煥章南昌人至正中嘗附賈舶浮海越數十國紀其所見所聞而成此書至正庚寅翰林修撰河東張翥序稱泉修郡乘既以是誌刊入之煥章復刊諸西江以廣其傳三山吳鑿並爲序後有嘉靖戊申袁泰跋

百夷傳一卷

明鈔本

趙清常藏書

餘姚錢古訓編

前有明洪武戊寅湖廣布政使司左參政澤州楊砥序謂百夷在雲南之南南越金齒東踰怒江始至其境以諸夷雜處種類不一故名百夷今麓川平緬宣慰司是也洪武乙亥冬緬人赴

訴上察其情實命行人司同禮部官選人中有志操善辭令者往諭之砥適爲司副受命後有若餘姚錢君古訓桂陽李君思聰爲稱上司其選敕二臣肅將之古訓等果能不負所選一日古訓以傳出示凡山川之險易風俗之好尚無不備載其用心之勤不亦至哉古訓吳越武肅王十六世孫也後有洪武乙酉戶部尙書夏原吉序并贈古訓五古詩一篇又萬曆三十八年十一月十三日清常道人趙琦美手識云予欲集古今叢史慮遐陬之弗及周知矣歲庚戌補攷在京師閒步刑部街因見此書遂買之錄一冊以隨奚囊蓋亦山經水志之一斑云文淵閣書目黃氏千頃堂書目均著錄有趙琦美印松石齋印琦美字元度別號震清道人由蔭生官至刑部郎中有脈望館書目

朝鮮賦一卷

精鈔本

甯都董越撰

越字尙矩成化己丑進士官至南京工部尙書謚文僖此孝宗卽位時越以右春坊右庶子兼翰林侍講同刑科給事中王敞使朝鮮所作卷前引曰予使朝鮮經行其地浹月有奇凡山川風俗人情物態日有得於周覽諮詢者以片楮記之納諸巾笥然得此遺彼者甚多竣事道還息肩公署者七日乃獲參訂於同事黃門王君漢英所記凡無關使事者悉去之云并用謝靈運山居賦例自爲之注范氏天一閣有藏本此從而鈔之也

東西洋攷十二卷

明刊本汪魚亭藏書

右卷一爲西洋列國攷曰交趾附清華順化廣南新州提夷卷二曰占城暹羅附六坤卷三曰下港附加留吧東埔寨大泥附吉蘭丹舊港附占卑卷四曰麻六甲啞齊彭亨柔佛丁機宜思吉港文郎馬神池閩卷五爲東洋列國攷東番攷附曰呂宋附大港南旺玳瑁中邦呂蓬磨老央以甯屋黨朋霧又曰蘇祿附

高藥猫里務附樵老沙瑤啞啤啤附班隘美洛居文茶雞籠淡  
水卷六爲外紀攷曰日本紅毛番卷七爲稅餉攷卷八爲舟師  
攷卷九爲稅璫攷卷十一爲藝文攷卷十二爲逸事攷前有  
萬厯戊午金陵王起宗序蓋司樞漳海偕同郡司李泰和蕭基  
屬龍溪孝廉張燮紹和所撰次也燮有凡例臨川傅櫬又爲之  
序有汪魚亭藏閱書印

職方外紀五卷

明刊本

西海艾儒略增譯東海楊廷筠彙記

卷首爲萬國全圖五大州總圖界度總說一卷爲亞細亞圖說  
二卷爲歐邏巴圖說三卷爲利未亞圖說四卷爲亞黑利加圖  
說五卷爲海族總說其黑瓦蠟尼加以疆域初通道里尙莫能  
詳書成於天啟三年八月艾儒略自有序其從而敘者爲李之  
藻爲楊廷筠爲許胥臣皆杭人也幼時誦太白詩云海客談瀛

洲煙濤微茫信難求不圖五十年間五大州之異竟於吾生親見之噫

殊域周咨錄二十四卷 明刊本 海虞吳蔚光藏書

明行人司行人刑科右給事中嘉禾嚴從簡輯

是錄載於千頃堂書目一卷朝鮮二至三日本四琉球五至六安南七占城八眞臘暹羅滿刺加瓜哇三佛齊勃泥瑣里古里九蘇門答刺錫蘭蘇祿麻刺忽魯謨斯佛郎機雲南百夷十吐蕃十一拂菻榜葛刺默德那天方國十二哈密十三吐魯番十四赤斤蒙古安定阿端曲先罕東火州十五撒馬兒罕亦力把力于闐哈烈十六至二十二韃靼二十三兀良哈二十四女直萬厯癸未正治上卿吏部尙書溟浙居士寅所嚴清撰序謂諫議姪紹峰子攜所著殊域周咨錄乞序乃知其官行人時子輯名以周咨者因靡及之懷勤採訪之博雖於耿光大烈未克兼

總其全若門類分編豈非爲天下九經中采遠人懷諸侯之模  
範哉有蔚光太史公小宗伯海虞吳氏擁書樓圖史諸印蔚光  
字哲甫號竹橋昭文人乾隆四十五年進士官禮部主事  
右地理類外紀之屬